


Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINACL 2.0.57







Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.57






Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.57




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINADEL 2.0.57














2. 6. 57














XXIX . . . A ✓  
OBRECH.

1510







VLRICI OBRECHTI  
PARÆNESIS.

DE  
CONIVNGENDIS  
PRIVATI ET PVBLICI JVRIS  
STVDIIS.

*duabus Orationibus*

comprehensa,

*quarum*


Prior habita est d. XVI. April.

Cum Doctor Juris renuntiaretur :

Altera d. XXIII. ejusd. mens.

Cum Professionem Institutionum Im-  
perial. & Juris Publici auspicaretur.

clō Ioc LXXXII.



ARGENTORATI,

Impensis JOHANNIS FRIDERICI SPOOR.





VLRICI O BRECHTI

PARAENESIS

DE

CONVINGENDIS

PRIVATI ET PABLICI IARIS

STVDII

quibus Orationibus

comprehendit

quarum

Trior habita est d. XVI. April.

Cum Doctor Iustitiam

Altera d. XIII. April. mens.

Cum Protectione Institutionum

perit & Ius Publici adfuerit

Ch. Jac. LXXII

(1672)

ARGENTORATI


Impensis Iohannis FRIEDRICI SEBOL.



I.  
DE  
VSV JVRIS CIVILIS  
IN  
DECIDENDIS CONTROVERSIIS  
PVBLICIS.

DE  
VSA JVRIS CIVILIS  
IN  
DECIDENDIS CONTROVERSIIS  
PABLICIS





**Q**uanquam optan-  
dum foret, **AU-**  
**DITORES**, ut  
pro opportunitate  
hujus cerimoniae, compar tem-  
poris spatium, nobis permitte-  
ret, favoris pariter Vestri pro-  
lixitatem & propositi argu-  
menti amplitudinem dignâ  
oratione percolere: plurimum  
tamen voti hujus sollicitudi-  
nem vel coërcet, vel subleuat,  
quod apud eos sermo instituen-  
A 2 dus



*duſ eſt, quos nec imputare be-  
neſicia in alios collata, mentis  
altitudo; nec præſentis diſ-  
quiſitionis momenta ignorare,  
eruditionis profunditas pati-  
tur. quarum altera, facultatis  
meæ, altera doctrinæ deli-  
quia, egregie, uti opto ſperoq̃,  
ſupplebit.*

*Proprio autem lumine per-  
ſpicuum eſſe arbitror, publicas  
dici controverſias, quas inter  
ſe agitant populi liberi, quiq̃  
in populis liberis ſummum  
imperium obtinent. Publicæ  
ſunt, quia non ſuſcipere illas,  
niſi*



*nisi publico auspicio; non persequi, nisi publico consilio; non expedire, nisi publico auctoramento fas est. Publicæ sunt, quia illis suprema, in Republicâ, ipsiusq; adeo Reipublicæ publica potestas originem, publica jura fundamentum, publica salus mensuram formulamq; subministrat. Publicæ sunt, quia non de privatis civium patrimoniis, sed de gentium nationumq; publico dominatu disceptantur. Publicæ sunt, quia non ob id instituuntur, ut appareat uter*

*A 3*

*has*



has illasve ædes usu aut man-  
cipio teneat: uter in hæc vel  
illa bona familiamve hæres  
succedat: ad hunc an ad illum  
fundi alicujus fructus redun-  
det: Sed ad quem populorum  
obsequia, provinciarum com-  
moda, terrarum regionumq;  
proventus deferantur. Publi-  
cæ sunt, quia non id spectant,  
ut subditorum pactionibus  
fides, sed ut fæderibus &  
conventionibus Imperantium  
sanctimonia constet: non ut  
agrorum fines, sed ut regno-  
rum termini regantur: non ut  
singul-



*singulis domi quies, sed ut for-  
ris humani generis pax, tran-  
quillitas, securitas stabilia-  
tur. Quin, si ultra progredi-  
endum est, publicæ sunt hæ  
controversiæ, quia se non clau-  
stris Prætorij tribunalis, non  
centumviralis hastæ ambitu,  
non parietibus Curiarum, non  
Consistoriorum cancellis cir-  
cumscribi sinunt; Sed sub to-  
tius Orbis judicio, & omnis,  
quæ unquam futura est, poste-  
ritatis censura, terras exerci-  
tibus, maria classibus, regio-  
nes civitatesq; terrore perva-  
gantur*



gantur, & complent. In his igitur decidendis, ne juri Civili privato usus auctoritasve tribueretur, ipse illarum character, tam multis tamq̃ illustribus nominibus publicus videbatur obsistere. Quid enim? Tune illas lites legibus subjicies, quarum disceptatores suprema inter homines legum arbitria moderantur? Tune illis caussis juris formulam præscribes, quæ de juribus agitantur, è quibus omnis legislatio civilis auctoritatem, omnia humana jura efficaciam



*ciam & robur mutuuntur?  
Cæsarum utique rescripta, de-  
creta Iudicum, Consulta Se-  
natus, Populorum scita, re-  
sponsa Prudentum inter infe-  
riores subjectosque dominan-  
tur: At cum inter æquales  
contentio, & inter supremos  
rerum negotiorumq; arbitros  
bellum exortum est; quisq; si-  
bi Cæsar, quisq; sibi iudex, &  
intuendo asserendoq; jure suo  
quisque sibi satis Sapiens est.  
Non existimo equidem vel de  
antiquæ barbariei ruditate,  
vel de novitiæ adulationis im-*

*B pu*



*pudentiâ tantum erroris hodie superesse, ut Furi Naturali suus in definiendis Regum ac Principum controversiis locus incertus reddatur. Proce-  
dit enim illius auctoritas ab eo Legislatore, qui omnium Legislatorum Legislator, omnium Regum Princeps, omnium jurium moderator, omnis justitiæ fons, omnium contentio-  
num judex, omnium bellorum supremus arbiter est. Ne illi quidem juri, quod tacito gentium consensu, & generali quadam consuetudine vim legis*



gis accepit, refragari palam  
solent, qui inter populos mo-  
ratiores censi volunt. Si  
quid vero præterea singula-  
rum civitatum, hujusve aut  
illius gentis arbitrato consti-  
tutum, usui destinatum, ratio-  
nibus salutivè accommoda-  
tum est; ejus vinculis sese ac  
dominatus suos solutos & libe-  
ros esse, non injuriâ Rectores  
Rerumpublicarum existimare  
videntur. Magnâ potentiae  
amplitudine floruit olim Po-  
pulus Romanus, & imperio  
suo plerasque Orbis cultioris

B 2

par-



partes complexus est. Sed sicut ipse neq̃ liberarum, neque subactarum gentium leges admittebat, nisi quatenus sibi suæve reipublicæ conducere arbitrabatur: ita legibus suis nec apud illas auctoritatem, nec perpetuitatem apud istas potuit tribuere. Effulserant incomparabilis sapientiæ atq̃ rectitudinis laude Orientis leges, indeq̃ omnis humani diviniq̃ juris lumen in Aegyptum, ex Aegypto verò non per Legislatores modò præstantissimos Lacedæmoniorum & Athe-



*Atheniensium, sed & per Philosophos in Græciam processerat: Romanorum tamen oculos non ultra perstrinxit, quam ut sancienti juris specimen ac formulam inde mutuarentur. Et quidni igitur fas sit Europæis gentibus, in recipiendis reprobandisve eorum legibus, sua illis exempla reddere? Etenim pleræque istarum, si Germanos excipias, Romanas secures veneratæ sunt olim, & hodie apud omnes Romani juris vel reliquæ vel vestigia durant. Sed ex quo tam vasti*

B 3

Im-



*Imperij moles procubuit, legis-  
lationis quoq; tot antea popu-  
los amplexæ vigor, in uniuscu-  
jusque Reipublicæ proprias le-  
ges ac Civilia jura resolutus  
est. quæ non ideo valent, quia  
omnibus quondam præscripta  
sunt; sed quia à singulis non  
sunt penitus rejecta atq; repro-  
bata. Ut adeo alios ad æqua-  
bilem juris usum, & concordis  
vitæ communitatem vincire  
non possint, quàm qui unius  
reipublicæ & communis impe-  
rij spiritu continentur. Quid  
dicemus igitur? An erroneæ  
per-*



*perversæq; disciplinæ reos age-  
mus, quotquot Virorum do-  
ctissimorum, ad tractandas de-  
finiendasque publicas Regno-  
rum controversias, hoc præser-  
tim & superiori sæculo sunt ad-  
missi? Parum certe in eorum  
Commentariis versatum se  
ostenderit, si quis præcipuum  
in illis honorem neget Roma-  
næ Jurisprudentiæ decretis,  
regulis, authoribus tribui.  
Quid illi? qui ipsam Jurispru-  
dentiam universalem ac pu-  
blicam in contextæ artis cor-  
pus redigere aggressi sunt:*  
*num*



num ullum paulo illustriorem  
locum pertractant, in quo non  
præcipuas partes Romanorum  
Jurisconsultorum testimoniis  
assignent? Nisi penitus fallor,  
aliud illi spectarunt, quàm  
quod vulgus sentit: cui mos  
est, ex accumulatione nomi-  
num citationumque, pretium  
& auctoritatem operum æsti-  
mare. Nimirum, ubi ad dis-  
cretionem ejus quod justum,  
quodque injustum est, robur  
legis, pondus ac momentum  
genuinæ definitionis requiri-  
tur; ibi aliam quàm natura-  
lis



*lis atque universalis rectitudinis normam frustra adhiberi, in confesso est: ejus vero, adeo expers non est jus Romanum; ut nullæ humanarum Legislationum tabulæ, nulla sapientum monumenta talis disciplinæ fecundiora queant nominari. At ubi ad singulas factorum species, quæ non minus in publicis quam in privatis controversiis, varia circumstantiarum momenta & diversissimam momentorum inclinationem conformationemque recipiunt, generalia*  
C *sapi-*



*sapientiae decreta accommo-  
danda sunt ; ibi vero si non  
unicum, at præcipuum certe  
præsidium Romana Juris-  
prudencia suppeditat. Sive  
magnitudini atque diuturni-  
tati Imperij adscribendum  
est, quod in tot tamque vario-  
rum casuum decisionem illu-  
strationemque, præclarissimo-  
rum ingeniorum industria  
suffecit, ut omnia fere huma-  
norum negotiorum penetralia  
intimosque recessus pervade-  
ret : Sive felicitati ; quod nul-  
lius alterius populi scita ube-  
riore*



riore copiâ descenderunt ad  
posteritatem. Specimina me-  
ditationi Vestræ subjiciam,  
Auditores, quibus persona-  
rum nomina, & uberiores sin-  
gulorum momentorum inter-  
pretationem adijcere facile po-  
terunt, qui rerum propioribus  
seculis gestarum memoriam  
tenent. Dotem Regiæ Vir-  
ginis, certâ pecuniæ determi-  
natione propinqui promise-  
rant, & in numerationis se-  
curitatem oppigneraverant  
Sponsò ducatum, additâ in-  
super lege, ut in vicem usura-  
rum



rum fructus ejus proventusq;  
perciperet, possessionisque in-  
terim commodo & ducalis ti-  
tuli honore frueretur. Solu-  
to per mortem improlis mari-  
ti conjugio, & defunctis etiam  
illis, à quibus promissa con-  
stitutaque dos fuerat; vidua,  
oppignerati ducatus possessio-  
nem non pro se tantum reti-  
nere, sed in cognatorum ali-  
quem transcribere, sibi con-  
tendit jus fasque esse. Con-  
tradiciunt ij, ad quos cum cæ-  
teris provinciis hujus quoque  
ducatus successio lege specta-  
bat.



bat. Alibi pater impuberi filio & principatus successivi quidem, sed extra commercium patrimoniumque positi, hæredi, tutorem ultimis tabulis nominavit, isque defuncto testatore, ad munus sibi adsignatum aspirat. intercedunt propiores agnati; eumque qui successionis ordinem immutare, & de principatu ipso disponere testamento suo nequiverit, efficere potuisse negant, ut ad alios Principis tutela & provinciarum regimen perveniret, quam ad

C 3      quos



quos utriusque pericula per-  
tinent. Est, ubi quæsitam  
reciproco successionis pacto  
Regiam hæreditatem, Status  
sive Procures Regni, ut ipsi  
ajunt, electivi, impugnent:  
Ubi abdicatam sub condi-  
tione recipiendæ dotis pater-  
nam successionem, dote ad  
condictum diem non solutâ,  
Regia Conjux vindicet: Ubi  
alienatarum provinciarum  
accessiones: Ubi præstatio-  
nes contractuum; Ubi pa-  
ctionum formulæ, instrumen-  
torum auctoritates, conditio-  
num



num interpretationes, vario  
controversiarum genere agi-  
tentur: Poterit ne sperari,  
ut, non dicam plene decidat,  
sed utcunque subortas diffi-  
cultates expediat, nisi qui ho-  
rum negotiorum, non voca-  
bula saltem (quanquam nec  
hæc quidem alibi, quam in  
Jureconsultorum Scholis dis-  
cuntur;) sed totam indo-  
lem, habitum universum,  
omnes reconditiores sinus,  
omnes intricatiores anfra-  
ctus, illis doctoribus duci-  
busque perscrutatus fuerit,  
qui



qui in hac scientiâ, singularis & vere practicæ eruditionis gloriâ, si non soli, tamen regnant. Itaque, si commonendi sint populorum Rectores, ut potentia, utilitatis, gloriæ amplitudinem, justitiæ atque honestati velint posthabere: Si edocendi, quâ sinceritate in fœderibus, quâ fide in pactio- nibus, quâ religione in jura- mentis, quâ integritate ac sanctimonia in omni publici actus tractatu debeant ver- sari: multa undecunque lu-  
mina



*mina è Theologorum, Philosophorum, Oratorum, Historicorum, Poëtarum denique monumentis affulgebunt, quæ Jurisprudentiæ universalis principia & solidiora fundamenta in abdito latere, minime patientur. Ea vero ad peculiare negotiorum factorumque species ac momenta dextre applicare, & ad serios illustresque vitæ publicæ usus transferre, Romanipræcipue Juris scientia docet.*

D

II. DE



inquit & Theophrastus Philo-  
 sophum, Oratorum, Hi-  
 storiarum, Poetarum de-  
 scriptis monumentis affligit  
 sunt, quae Jurisprudenciae  
 universitatis principia & soli-  
 ditas fundamenta in abito  
 latere, minime patuerunt.  
 Ea vero ad peculiariter nego-  
 tiorum factorumque species  
 ac monumenta dextra applicare,  
 & ad fortis illustrandae vites  
 publice usui transferre, Ro-  
 mani praecipue Juris scientia  
 docet.

D. H. DE



II.  
*DE*  
CONNEXIONE  
JVRIS PRIVATI  
ET  
PVBLICI.



II  
DE  
CONNEXIONE  
IURIS PRIVATI  
ET  
PUBLICI





A. O.

**N**onus iste jam annus voluitur, quod authoritate inclyti Senatus mihi collatum Historiæ docendæ munus, ex hac cathedrâ, solenni oratione sum auspicatus. Multiplices, quæ me tum circumdederant, curas, cum dissimulare animi sive ingenuitas, sive infirmitas non sinneret, DEO vocationis meæ Authori piis suspiriis commendavi: Illi publice, Vobis

D 2 au-



audientibus ac faventibus, vota nuncupavi: Illi memorem gratamque in æternum mentem obstrinxi: si me impares imposito oneri humeros subijcientem, Divinæ gratiæ levamine ad explenda injunctæ functionis munia roborasset. Exauditus propitij Numinis benignitate, & per omne, quod in illâ statione transégi vitæ spatium, cælestis auxilij luculentissime compos; postquam vacuum in Collegio Juridico locum, ingredi suffragiis Amplissimi Ordinis Acade-



*Academici jussus sum; unde  
potius novæ Professionis, hu-  
jusq; adeo inauguralis allo-  
quij exordia ducam, quam ab  
instauratione illius exempli,  
cujus tam efficacem tamque  
fructuosam pietatem persensi?  
Quidni enim votorum, quæ  
me iterum hoc tempore, hoc  
loco nuncupare admirabilis  
divinæ Providentiæ disposi-  
tio jubet, inde fiduciam repe-  
tam, unde illorum, quæ olim  
nuncupaveram felix comple-  
mentum processit? Quidni  
occupationum & curarum  
nova-*



novarum sollicitudinem, recordatione præteritorum successuum fulciam? & tuorum, ô Benignissime DEUS! beneficiorum memoriam atq; deprecationem, cum futuræ prosperitatis faustis ominibus & secundo augurio jungam? Tu in subeundis & tractandis civilis vitæ officiis, fata mea sapienter moderatus es; & moderaberis: Tu proposita consiliaq; mea rexisti; & diriges: Tu actionibus meis benedixisti; & benedices: Tu fortunam meam ornaſti; & orna-



ornabis : Tu auctoritatem  
consilij publici, qua pridem  
ad Professorium ordinem eve-  
ctus sum, contra virium mea-  
rum imbecillitatem susten-  
tasti; Tu itaq; illi, & in hac  
ad quam me transire jubes,  
provincia, praesidium statues.  
Tu Reipublicae usibus studia  
mea, Tu Patronorum favori  
conatus meos, tu Juventutis  
profectibus labores meos con-  
ciliasti; & impofterum ad  
alios fines ususq; exerrare non  
sines : Tu mihi concordes  
Collegas, Tu benevolos Ami-  
E cos,



cos, Tu gratos Discipulos dedisti, & conservabis!

Neq̃ aliã re, quam isthoc gratæ piæq̃ recordationis ac bonæ spei consortio Vestri quoque patrocini constantiam mihi pignerare fas fuerit, Prudentissimi Reipublicæ atque Academiae Patres. Requiescit in Illustris Collegij Vestri auctoritate, quicquid muneris meo vel olim dignitatis tributum est, vel deinceps ornamentorum accessit: inde præcipuum laboribus meis decus, inde honoribus lumen, inde



*inde doctrinae praesidium dispensatur. Sed cum mihi Vestram erga studia mea propensionem, tot egregiis documentis testatam esse volueritis, non à Vobis flagitare, ut, quod proprio virtutis comitatusq; Vestrae impulsu facitis, tam benevolam mentem; sed à DEO contendere debeo, ut tam benevolos Patronos mihi conservet!*

*Et quid porro magnopere sollicitus sim, quo potissimum pignore, in Vestro, Amplissimi Professores, Ordine, illi*

*E 2 colle-*



collegio cui nuperrime arctioris consortij vinculo aggregatus sum, animi atq; affectus mei sinceritatem declarem? cujus tam certa testimonia in eo extant, quod relinquo. Percepi è Vestra, celeberrimi Philosophi, consuetudine fructus, quoscunq; vel communis Collegij sanctitas polliceri, vel interioris amicitiae suavis pro-ducere potest: Hujusq; convictus ac concordiae semper in memoriâ meâ imaginem; semper in animo meo, erga defunctos pariter ac superstites



*tes gratiam conservabo; disciplinam vero ad commune Vobiscum, Consultissimi Juris Antecessores, justitiæ Sacerdotium transferam. ut reipsa intelligatis; me non operam magis meam atque studia, quam animum, voluntatem, observantiam vobis adjungere destinasse. Eveniant & Vestrum cuiq̃, & omnibus qui Universitatis nostræ commodis vel strenue operantur, vel bene cupiunt, quæcunque publice decora, privatim salutaria, ex cujusq̃ voto, piis ami-*

*E 3            cisque*



*cisque cogitationibus concipi  
possunt ac impetrari.*

*Uberiori adfamine Vos  
mihî demerendi estis, Com-  
miliones Nobilissimi, in quo-  
rum maxime gratiam iste con-  
gressus indictus est. Inprimis  
vero Vos obnixè obtestatos  
cupio, ne hac functionis  
meæ atque studiorum com-  
mutatione, quicquam de meo  
erga vos ardentissimo affectu,  
immutatum vel deminutum  
suspiciamini. Ut labores mei,  
Vestris laboribus pro subsidio;  
ut vigiliæ meæ, vestræ dili-  
gentiæ*



*gentiæ pro incitamento; ut  
consilia mea Vestris conatibus  
atque industriæ pro levamine  
inservirent, consiliorum meo-  
rum & hactenus summa ratio  
fuit, & laborum meorum uni-  
ca deinceps meta erit: ut,  
quæ ex tenore cordatioris dis-  
ciplinæ discitis agitisque vo-  
bis privatim salubria, patriæ  
lætâ publice atque proficua es-  
sent, in eo unicum doctrinæ  
meæ fructum & habui & habe-  
bo semper constitutum. Jamq̃  
adeo lætor, ex sermonis hu-  
jus necessitudine, occasionem  
mibi*



*mihī esse subnatam, hunc  
quem gero animum, certo  
Vobis pignore devinciendi.  
Quanquam autem jam in ipso  
Senatus Academici decreto  
satis vos momenti authorita-  
tisq; reperturos confidam, ut  
nec temerè, nec nisi ex commo-  
do Vestro factum possitis existi-  
mare, quòd pro Historiarum &  
Eloquentiæ studiis, ad traden-  
dam vobis Publici & Privati  
Juris scientiam auctoratus  
sum; Si quis tamen extet,  
qui me vel tædio laboris, vel  
propositi quâdam inconstan-  
tiâ*



tiâ, putet ad aliud disciplinæ  
genus transgressum esse, illi  
indulgendum non est, ut in  
isto errore diutius obhæres-  
cat. Non est equidem unius  
**POETAE VENUSINI**  
admirationi expositum, quî  
fiat,

— quod nemo quam sibi fortem  
Seu ratio dederit, seu fors objecerit, illâ  
Contentus vivat.

Et, si quis humanæ indolis le-  
vitatem attentiori oculo ri-  
metur ; deprehendet, inter  
sublimioris etiam conditionis  
homines, hanc fabulam ludi,  
F ut,



*ut, quod sequitur apud eundem:*

Optet ephippia bos piger, optet arare  
caballus.

*Sed meum certè institutum  
nemo tam segnis fastidij in-  
famiâ notandum censebit, ni-  
si qui & earum disciplina-  
rum quas hætenus docui,  
& illius quam deinceps tra-  
diturus sum scientiæ genium,  
indolemque penitus ignorat.  
Nam cum omnibus ultro pa-  
teat, quantum mihi novæ ope-  
ræ ac laboris cum injuncti  
muneris dignatione accessse-  
rit: tum vero diffiteri nemo fa-  
cile*



cile potest, eam hodie Juris-  
prudentiæ, præsertim publi-  
cæ, conditionem esse, ut qui ad  
illam ab Oratoriæ facultatis  
atque Historiarum cultu pro-  
cesserit, ei nihil admodum li-  
ceat de prioris studij assiduita-  
te remittere. Atq; de Privato  
Jure jam olim Publium Scævo-  
lam accepimus persæpe fratri  
dicere solitum, nunquam eum  
satis illi arti facturum, nisi  
dicendi copiam assumsisset.  
Quid autem hodie vel in omni  
antiquitate intactum, vel in  
cunctorum añalium memoria

F 2 inela-



*inelaboratum relinqui posse  
arbitrabitur, qui sibi memine-  
rit Publici quoq; Juris doctri-  
nam, sive ex necessitudine mu-  
neris, sive ob disciplinæ con-  
textum, seriis ac severis præ-  
sentium temporum usibus at-  
temperandam. Maxime post-  
quam & privatarum atque  
vulgarium causarum disce-  
ptatio, cum ipso fori regno ab  
Oratoribus ad Jurisconsultos  
migravit, & in publicarum  
controversiarum tractatu pri-  
mas ac interdum omnes Ju-  
risprudentiæ partes assignari  
obti-*



*obtinuit. Nihil sane ad hodiernam Legalis scientiæ celebritatem attinet, quod suo ævo CICERO scribit, juris civilis studium ignavis oratoribus pro refugio, timidis pro diverticulo fuisse: ad quod tum demum se conferre consueverint, cum de dicendi facultate adipiscenda desperassent. Prorsus ut in Græcis artificibus ii auloedi fierent, qui citharœdi esse non possent. Quin, ne tum quidem ex vero ista inter Juris & Eloquentiæ studium comparatio instituta est: Et*

*F 3**quæ*



quæ per figuram deprimendæ  
Juris Civilis dignitati atque  
utilitati magnâ specie impen-  
duntur, causæ potius tuendæ,  
quam explicando rerum præ-  
tio servire apparet. Quantu-  
lam enim scientiæ partem  
constituebat in Servio Sulpitio  
illud artificium, ob cuius exili-  
tatem Lucio Murænæ tantope-  
re illum posthabendum TUL-  
LIUS contendit? quod nimi-  
rum in literis atque interpun-  
ctionibus formularum, in syl-  
labarum notarumque aucupa-  
tione, in conceptione ac subtili-  
tate



tate actionum occupabatur.  
Nonne cogitandum erat, de il-  
lo viro sermonem institui, cu-  
jus, præter vulgarem fori Ro-  
mani atq; rerum eo pertinen-  
tium peritiam, admirabilis  
quædam & incredibilis, & pe-  
ne divina erat in legibus inter-  
pretandis, æquitate explican-  
dâ, scientia? cum quo omnes  
ex omni ætate, qui in Romanâ  
civitate intelligentiam juris  
habuerunt, si in unum locum  
conferrentur, comparandi ta-  
men non essent: qui non  
magis *Juris-Consultus* quam  
justi-



*justitiæ fuisset; neque consti-  
tuere litium actiones magis  
calluisset, quàm controversias  
tollere. Hujusne scientiam  
tenuem, hujusne inanem pru-  
dentiam dicemus nusquam  
extra forum Romanum, neq̃  
Romæ rebus prolatis quic-  
quam valuisse? Huncne im-  
plevisse munus aut nomen  
Jureconsulti arbitramur,  
postquam dies solennis actio-  
nis clienti suo denuntiaverit;  
Oratorem, cautionis; judi-  
cem sententiæ formulis in-  
struxerit? Constabat equidem  
per-*



perquàm multis fictis atque  
commentitiis rebus, illa judi-  
ciarij processus ex tenore vetu-  
starum legum instruendi for-  
mandique notitia. Verùm  
in eà ignobilior atque mini-  
ma, licet necessaria Juris Ci-  
vilis portio reposita erat. quod  
utique etiam quâ Privatum  
erat, longe tamen latius quàm  
forensium actionum formulæ  
patebat. Maxime vero jam  
inde à primis legislationis Ro-  
manæ incunabulis, loco atque  
æstimio illustri Jus Publicum  
illi accesserat. Multa primi  
G Reges



*Reges ad ordinandum Regni  
statum, rerumque sacrarum  
atque profanarum admini-  
strationem constituerant; at-  
que inter eos Servius ipsam  
quoque Regiæ potestatis for-  
mulam jure descripserat: au-  
ctor quippe legum, quibus &  
Reges obtemperarent. Sub-  
inde vero mutato Regiminis  
habitu, omnis eò Senatus  
Populique diligentia con-  
versa est, ut authoritas Pa-  
trum, Civium libertas, Po-  
puli ac Plebis jura, digni-  
tas & discrimina Ordinum,  
maje-*



*majestas denique Reipublicæ,  
præscriptis accuratissime le-  
gibus sanciretur. Ipsæ Duode-  
cim Tabulæ quàm nobile juris  
publici monumentum comple-  
tebantur? quàm infinita præ-  
terea de Judiciis, quàm præ-  
clara de magistratibus, quàm  
gravia de ipsa legum ferenda-  
rum ratione, de indicendorum  
habendorumque comitiorum  
modo, de sanciendo fæderi-  
bus, de suscipiendis finiendisq;  
bellis, de omni vectigalium ac  
proventuum publicorum jure  
fuerant promulgata? quorum*

G 2

omni-



omnium profecto sanctiones  
memoriâ comprehendere, sen-  
tentiam atque interpretatio-  
nem intellectu eruere, fontes  
atque rationes iudicio comple-  
cti, id demum erat splendi-  
dum illud atque magnificum  
veri Jureconsulti elogium me-  
reri. Crevit cum magnitudi-  
ne Imperij hujus quoque scien-  
tiæ amplitudo, & quò latius  
fæderibus vel dominatu po-  
tentiam suam porrigebat Po-  
pulus Romanus, eò etiam au-  
gustiores nobilissimæ cognitio-  
nis limites efficiebantur: eâ  
præ-



*præcipue parte quâ in fœderibus, pactionibus, conditionibus Populorum, Regum, exterarum nationum, in universo denique belli ac pacis jure consistebat. Nam quâ Rei Romanæ statum spectabat, exortâ subinde Cæsarum Monarchiâ in perbreve sane compendium contracta, Regiisque fere & Majestatis Legibus coarctata est. Et tum tamen magna gloria erat, Juris Divini atque Humani, Privati & Publici peritia censeri; quibus veluti solennibus elogiis*

G 3

TA-



*TACITO, Attejus Capito  
& Coccejus Nerva, PLINIO  
Juniori, Titus Aristo, aliis  
alij celebrantur. Postquam  
imperij moles in partes &  
tot pene regna diffiliit, quot  
antea provinciis constabat:  
Fus etiam Publicum in pro-  
lixiorum variumque magis  
habitum conformari necesse  
fuit. Longum esset, & à  
loci hujus atque temporis  
instituto alienum, exponere,  
per quàm multiplices vices,  
per quàm insignes mutatio-  
nes casusque in præsentem  
publi-*



publici status faciem, distra-  
ctæ compositæque sint pro-  
vinciæ, quæ vel olim Ro-  
mani Imperij finibus atque  
ditione comprehensæ, vel po-  
stea successionē & reliquiis  
æstimatæ sunt: Id tamen  
in confesso esse arbitror, to-  
tidem hodie Jurispruden-  
tiæ Publicæ partes esse, quot  
distinctas Civitates atque  
Regna orbis terrarum com-  
plectitur. Neque inde tur-  
batum iri quenquam confido,  
quod acceptam à Veteribus  
illis Jureconsultis, atque ad  
eam,



eam, quam dixi Romanæ  
Reipublicæ eminentiam am-  
plitudinemq; accommodatam  
Juris Publici descriptionem,  
soliis Romanæ rei statu ter-  
minare, plerisque hujus argu-  
menti Scriptoribus usitatum  
est. Quin apud omnes rerum  
civilium cognitione vel usu  
imbutos existimo expeditum  
esse; cum nulla hodie gens,  
civilis regiminis adeoque pu-  
blici status expers plane degat;  
subsistere autem vel regimen  
vel status regiminis publicus  
nequeat, nisi propriis cuique  
civi-



*civitati legibus institutis moribus, sit fundatus: proinde non id solum Juris Publici æstimum mereri, quod Romanam aut Germanicam, sed quod ullam cujuscunque populi rem, atque rei statum contingit. Ne barbaras quidem nationes exceptas velim; in quibus licet pleraque privatae vitæ consuetudo minus culta, publica tamen civilis regiminis formula sæpe minime barbara est. Inprimis tamen illæ leges, quæ cultioris in*

*H**Eu-*



*Europa orbis imperia continent, nobile istud & ad nostræ disquisitionis institutum præcipue pertinens Jurisprudentiæ Publicæ corpus conficiunt. quod non unius quidem voluminis, communis tamen disciplinæ contextu cohæret: & licet sanctionibus rationibusque maxime discrepet, unius tamen connectitur vinculo doctrinæ: cujus expositio cum Jureconsultis propria sit, dignitas quoque non debet ad aliarum artium disciplinas referri. Consistere Jus Publicum dixit*



*dixit ULPIANUS in sacris,  
in sacerdotibus, in magistrati-  
bus. Siquid video, particulas  
quasdam Juris Publici, spe-  
ciminis causâ, nominare vo-  
luit; non argumentum defini-  
tione pleniore complecti. Bre-  
vitatem tamen sectantibus,  
non inhabile philosophandi  
compendium commonstravit.  
Itaque ut de sacris quædam  
attingam; habent sane Divi-  
na Oracula suos interpretes:  
neque Fidei dogmata aut Re-  
ligiosi cultus decreta è Juris  
prudentiæ suæ disciplinâ,*

*H 2**prin-*



principiis, formulâ profiteri  
vel asserere Jureconsultus  
volet: Idem tamen non ve-  
rebitur ut alienæ messi ju-  
dicetur falcem immittere, si  
jura Ecclesiarum, si digni-  
tatem Sacerdotiorum, si sa-  
crarum ceremoniarum ritum,  
quatenus humanis legibus  
formatus est, describat vel il-  
lustret. Amplæ nostrâ ist-  
hac tempestate atque præsta-  
bilis scientiæ argumentum!  
si quis per Europam circum-  
ferat oculos, perquirat leges,  
expendat pactiones, jura san-  
ctio-



*ctionesq; rimetur, quibus aliquarum Ecclesiarum Libertas, aliquarum servitium præmunitur: quibus alibi Sacerdotum Imperio, alibi Imperium sacerdotio jugum minatur, vel imponit: alibi utrumq; genuinâ inter se & salubri concordia conspirant. Hic æternis præstantissimorum ingeniorum monumentis, Ecclesiæ Gallicanæ Libertates, alibi Sacri Romani Imperii Monarchia vastis & laboriosis voluminibus asserta, cordatioris doctrinæ professione, fastidia longæ & in-*

H 3

ve-



*veteratæ dominationis ulciscitur. est, ubi cum conscientiarum libertate, labefactata gravibus atq; diuturnis motibus Reipublicæ tranquillitas, Pacis alicujus Passaviensis, & subinde Augustanæ, ac denique Westphalicæ tabulis constituitur, vindicatur, exponitur. Huc accedant imensa Publicorum Actorum volumina, ut ex innumeris contentionum memoriis, ex infinitis Curiarum ac Tribunalium decretis pate scat, per quam intricatos casus, per quam diversas vicissitu-*



situdines, per quam periculo-  
sos eventus, per quam dubia  
fata, ad eum, in quo nunc est,  
statum, religionis in Europâ  
dispositio sit deducta. Latius  
magistratum denominatio  
porrigitur, & ad Jureconsulti  
curam propius pertinet. Neq̃  
absonè judicarunt Interpre-  
tes, qui sub isthoc vocabulo  
censuerunt **ULPIANUM**  
omnia Reipublicæ pace bello-  
que administrandæ munia  
complecti decrevisse. Jure  
igitur Publico docebitur, qui-  
bus per Europæas provincias  
Legi.



*Legibus suprema imperan-  
tium majestas circumscriba-  
tur: quibus libertas populo-  
rum juribus Privilegiisq; mu-  
niatur: quo more quâve con-  
suetudine isthîc regnantium  
successio, alibi electio stabilia-  
tur: quibus limitibus provin-  
ciarum fines disternuntur,  
quibus titulis officiorum di-  
gnitates secernantur, quibus  
momentis principatuum con-  
troversia definiantur. Non  
abnuerim equidem, amplissi-  
mâ exemplorum copiâ Anna-  
les cujusque gentis, conversas  
Rerum-*



*Rerum publicarum formas, extinctas pridem vel recens subortas familias, Principes naturali succedendi ordine vel libero eligentium arbitrio mutatos, bella vindicando vel recuperando Regno sumpta exhibere: & si Pragmaticæ Historiæ laudem assequuntur, additis quoque factorum rationibus, consiliorumque causis, per omnia publici actus momenta & specimina eruditum lectorem instruere. Sed & Civilis Prudentia quomodo ad paratum elegan-*



gantioris eruditionis ex abdi-  
tis circumstantiarum nego-  
tiorumque penetralibus erui  
& ad salutis utilitatisque  
publicæ vigorem sive conser-  
vandum sive instaurandum  
adhiberi debeant, viam ratio-  
nemque commonstrabit. Tota  
interim juris disceptatio legi-  
timæ Scientiæ propria manet.  
nisi quod ad illos interdum  
transfertur, qui Jureconsul-  
torum si non munus aut no-  
men, sapientiam tamen atque  
disciplinam profitentur. Atq;  
hic iterum mihi quispiam  
Euro-



*Europæa regna cogitatione  
percenseat. Ostentabit in ex-  
tremo occidentis solis limite  
avulsam Hispanicis Domina-  
tibus Lusitaniam, recentior  
hujus seculi Historia; quem-  
admodum vero iisdem adjun-  
cta olim fuerit, ævi superio-  
ris monumenta, CONE-  
STAGGII præsertim atq;  
THUANI vigiliis immorta-  
libus concinnata, docebunt.  
Discetur è Regnatricis Pru-  
dentia dictatis, multa & cum  
connecteretur Hispaniæ, &  
priusquam avelleretur, cir-*

I 2 cum.



*cumspectius, multa pruden-  
tius, multa fortius geri at-  
que administrari potuisse,  
quam gesta sunt & admi-  
nistrata: Sed cum judican-  
dum erit, utrum meliori ju-  
re olim Philippus Castella-  
nis id Regnum pepererit, an  
Joannes nuper recuperave-  
rit Bragantinis? ab illis Do-  
ctoribus judicandi præsidia  
repetenda erunt, in quorum  
Scholis successionum agna-  
tionumque jura, prærogati-  
væ graduum, discrimina se-  
xuum, sanguinis & repræ-  
sen-*



*sentationis usus & efficacia  
traduntur. Ab alio latere  
Belgicarum Provinciarum  
alias in libertatem vindica-  
tas, alias Francico Regno ad-  
ditas, reliquas sub Hispani-  
co imperio nutantes aspi-  
cies : quove potissimum mo-  
do Burgundicæ Austriacæ-  
que Domui quæsitum in iis  
ac postea labefactatum regi-  
men fuerit, HARAEO  
aliquo, HEUTERO,  
STRADA, METE-  
RANO, GROTIO indici-  
bus percipies. quæque propiori-  
bus*



*bus annis gesta sunt, haud ita difficili negotio è recentiori rerum adjicies memoriâ. Sed quàm multa & cum acquirerentur, & cum amitterentur disputata sunt, quæ nec expedire nisi Jurisprudentiæ ope nec intelligere ullatenus pronum est. Vel sola de quibus novissime disceptatum est, devolutionum, renuntiationum, dotium jura explicare utique frustra conabitur, nisi qui cum jure privato ac communi, publicas & fundamentales illarum regionum leges noverit*  
com-



*comparare. Luxemburgensis  
inter eas provincias Ducatus,  
quâ primum viâ à propriis  
Principibus ad Burgundos,  
atque ab his deinceps ad Au-  
striacos Hispanosque migra-  
verit; proclive equidem erit,  
BERTELII, VIGNIE-  
RII, BROWERI alio-  
rumque diligentia literis con-  
signatum cognoscere. Sed cum  
totam rei uti gesta est seriem  
percensëbis, cum dotales An-  
tonij Brabantiae Ducis cum  
Elisabethâ Gorlitiâ tabulas,  
atque in his oppigneratum à  
Wen.*



*Wenceslao & Jodoco Luxemburgensibus Principibus in promissæ dotis securitatem, Ducatum, cernes ; cum ad Guilelmi Saxonie Ducis atque Casimiri Polonie regis successorum in Ducatu Luxemburgico legitimorum prætensiones pervenies ; cum cessionem & jura ab Elisabetha in Philippum Burgundum, à Guilelmo in Carolum Francorum Regem collata deprehendes, cum prolixas subtilesque de eâ re CHIFLETII & BLONDELLI concertatio-*



*tationes inspicias : nonne cæ-  
cutire passim & obhærescere  
necesse erit, nisi universum  
de dotibus, de oppignerationi-  
bus, de cessionibus, de alie-  
nationibus, de pactis deni-  
que ac conventis, locum non  
ut inter privatos modo in-  
struitur, sed ut inter Prin-  
cipes Regesque viget, con-  
junctis Publici ac Privati  
Juris luminibus percolueris.  
Qui Germanicæ Historiæ  
usu atque notitiâ pollent, il-*

K

lis



*lis concesserim minime fore  
arduum, vel enumerare tem-  
pora, vel temporum momen-  
ta comparare, quibus Im-  
peratorum potestas adstringi,  
Ordinum libertas laxari,  
utrorumque jura communis  
imperij nexu adductiore vel  
solutiore contineri, præsen-  
tis denique status vel duci  
lineamenta cæperint, vel ple-  
na conformatio acciderit. Ii-  
dem recensere ac describere  
provincias, referre familia-  
rum*



rum successiones, membrorum atque universi corporis utilitates librare, pacis bellicque negotia expendere domesticis præsiidiis poterunt. Sed innumera illis in Legum fundamentalium dispositione, in usu judiciorum, in tractatu causarum, in omni actuum publicorum varietate occurrent, quibus nullum aliunde quàm à Privati Publicique Juris consortio lumen vel sperari vel affulge-

K 2 re



re potest. Quæ omnia non  
eo certe animo à me relata  
sunt, aut accipi à Vobis  
debent, Commilitones, ut,  
Jurisprudentiæ, cui operam  
navatis vel navaturi estis,  
amplitude sublimitateve,  
ab ejusdem tractatione deter-  
reamini : Sed ut nobilitate  
ejus fructuque perspecto, ge-  
nuinam inde serij solidique  
profectus regulam, ad usum at-  
que incrementum decori pu-  
blici transferatis. Quid ni  
enim



enim reputetis vobiscum,  
quando elementa Legitimæ  
Scientiæ perdiscitis, Vos ædi-  
ficij longe augustissimi funda-  
menta jacere: quod cum stre-  
nuo labore aliquando perfe-  
ceritis, non ad vilium liticu-  
larum dijudicationem, sed  
ad causarum ex omnis ævi,  
omnium gentium memoriis  
gravissimarum maximarum-  
que arbitria vos evehet. Post-  
quam enim à principibus Ci-  
vilis Sapientiæ, non ad dispo-

K 3      sitio-



sitionem tantum atque ordinem commodiorem, sed plane inter fundamenta solidioris doctrinae prodita est regula, eosdem publicarum inter Reges disceptationum fontes esse, quibus ex tenore Romanae Legislationis privatorum controversiae in iudicium deducuntur; nemini obscurum esse potest, cum personarum discrimina status, que, rerum atque acquisitionum varia jura, pactio-  
um &



*& contractuum formulæ ad-  
discuntur, non singularis sal-  
tem & privatae, sed Uni-  
versalis quoque & Publicæ  
Jurisprudentiæ præsidia præ-  
strui. Quæ magnâ & ir-  
refragabili ratione ad Ro-  
mani juris principia par-  
tesque revocanda esse pru-  
dentes decreverunt. Eo  
enim potissimum jure, ut ait  
TULLIUS, de omnibus fere  
rebus actionum petitionum-  
que formulæ constitutæ sunt ;  
ne*



ne quis aut in genere injuriæ  
aut in ratione persecutionis er-  
rare posset. Expressæ sunt  
enim ex uniuscujusque damno,  
dolore, incommodo, calamita-  
te, injuria. *atque ad eas tanto  
justitiæ æquitatisque cultu  
privata lis accommodata est,  
ut simul in publicis discepta-  
tionibus pronum apertum-  
que ad sinceri judicii senten-  
tiæq; rectitudinem iter osten-  
dant. Quare in illis perco-  
lendis summum Vos adhibe-*  
re



re studium atque sedulitatem par est, si in hisce aliquando cum laude ac operæ Vestrae pretio versari desideratis. Ego me Vobis tam proficui laboris sive socium sive ducem eâ lege fore profiteor, ut Vos imposteriorum potius exemplo; quam nunc hortatu, aut sermone sim incitaturus. DEUS hoc nostrarum occupationum exordium ita Sibi, Regi, Patriæ gratum & acceptum, Vobis  
L mibi-



*mibique faustum esse velit; ut  
per successus publice priva-  
timque prosperos ac salutare,  
in felicem quandoque desinat  
exitum, & ad venturas etiam  
ætates copiosis fructibus re-  
dundet.*

F I N I S.




Z



85  
/r

ut  
va  
res,  
ndi  
iam  
re.







005646850



